



O'ZBEKISTON OVOZI

2011-yil, 23-avgust. Seshanba 100-101 (31.377) Ijtimoiy-siyosiy gazeta 1918-yil 21-iyundan chiqa boshlagan www.uzbekistonovozi.uz

Буюк ва муқаддассан, мустақил Ватан!



Фуқароларнинг ахборот соҳасидаги ҳуқуқ ва эркинликларини таъминлаш масаласи инсоннинг ахборот олиш, ахборотни ва ўз шахсий фикрини тарқатиш ҳуқуқи ва эркинлигини ўзида мужассам этган бўлиб, бу Ўзбекистонда демократик жамият асосларини барпо этишнинг муҳим шарт, таъбир жоиз бўлса, тамал тоши ҳисобланади.



«Шарқ тароналари» VIII халқаро мусиқа фестивали

иштирокчилари юртимизга ташриф буюришмоқда



Соломон ГОГАШВИЛИ, Грузия:

налари» фестивалига бизни таклиф этишгач, интернет орқали у ҳақда маълумот тўпладик. Олдинги танловдаги суратларни томоша қилдик. Уларни кўриб лол бўлиб қолдик. Жуда ҳам ажайиб фестиваль экан. Бутун гуруҳимиз билан тезроқ Самарқандга боришни, у ердаги тарихий обидаларни кўришни ва албатта санъат ихлосмандларига ўз чиқишимизни намойиш этишни истаямиз. Биз грузин фольклор мусиқалари асосида дастур тайёрладик. Уйлаймизки, бизнинг чиқишларимиз томошабинларга ёқади.

Гунарс ИГАУНИС, Латвия:

— Мен Ўзбекистонга тўрт кишидан иборат оила аъзоларим билан келдим. Бизнинг оилавий гуруҳимизнинг номи «Игаунс гимене» («Игаунислар оиласи»). Бу ерга илк бор келишим. Тошкент бизга жуда ҳам ёқди. Гўзал, тоза ва энг асосийси, яшил шаҳар экан. Гуруҳимиз асосан миллий кўшиқларни ижро этади. Мен ўзим зарбли мусиқа асбобларини ясайман. «Шарқ тароналари» фестивали олдида барабан яса-



дим. Ўз олдимизга биз танловда муносиб иштирок этишни мақсад қилиб кўйганмиз.



Раймундас МИКОЛАЙТИС, Литва:

учун фестиваль ташкилотчиларига раҳмат айтмоқчимиз. Қизик тарафи, самолётга чиқаётганимизда Ригада ҳаво ҳарорати 12 даража эди, Тошкентда эса 35 даража экан. Ҳавонинг иссиқлиги ҳам бизга ёқяпти. Ҳаммаси ажайиб. Фестивалда биз ўзимизнинг фольклор мусиқаларимизни намойиш этадим. Бу шунчаки фольклор эмас, модерн фольклор. Бизнинг чиқишларимиз муҳлисларга маъқул келишидан умидворимиз. Афсонавий Самарқандга тезроқ етиб боришни истайман.

«Ўзбекистон овози» мухбири Темура Абзам суҳбатлашди.

ЎзХДП: электорат манфаати



Муродбек ЭИЕ олган сурат.

Одамлар қувончига шерик,

уларга елкадош бўлиш масъулиятли, шу билан бирга, мароқли ҳамдир, — дейди пойтахтимиздаги «Маданият» маҳалла фуқаролар йиғини раиси Фотима Жўраева.

Сергели туманидаги «Маданият» маҳалла фуқаролар йиғинига борганимизда, бир гуруҳ йигит-қизлар болалар майдончасига йиғилишган экан. Жаҳжи қизалоқнинг Ватан ҳақида баралла шеър ўқиётганини эшитиб тўхтадик.

— Биз Мустиқиллик байрамга тайёргарлик кўраямиз, — дейди Лазоқат Худойбердиева. — Маҳалламиз раиси Фотима Юсупова байрамни катта тантана билан чиройли қилиб ўтказишимиз кераклигини айтди. Шунинг учун дўстларим билан Ватанимизга бағишланган шеър-кўшиқлар ёдлаямиз, ракс ва сахна кўришларини тайёрлаямиз.

Чиндан ҳам маҳаллада байрамга ҳозирлик қизгин кетаётган экан. Уйлар атрофи ва майдончалар тозаланиб, гулу кўчатлар ўтқазилляпти... — Маҳалламиз аҳли жуда фаол ва уюшқок. Ҳамма ишни бир ёқадан бош қилиб, сидқидилдан адо этади, — дейди фуқаролар йиғини раиси, ЎзХДП фаоли Фотима Жўраева. — Аҳоли кўп бўлишига қарамай, улар билан ишлаш, қувончу ташвишига шерик бўлиш, оғирини енгил қилиш мароқли. Маҳалламиздаги 25 та кўп қаватли уйда

5200 нафардан ортиқ аҳоли истиқомат қилади. Уларнинг оиласи тинч ва хотиржам, турмуши фаровон бўлиши бизнинг фаолиятимизга ҳам боғлиқ.

Бугун фуқароларнинг ўзини ўзи бошқариш институтларига эътибор катта. Президентимиз «Мамлакатимизда демократик ишловларни янада чуқурлаштириши ривожлантириш концепцияси»да маҳаллани аниқ йўналтирилган асосда аҳолини ижтимоий қўллаб-қувватлаш, хусусий тадбиркорлик ва оилавий бизнесни ривожлантириш марказига айлантириш, шунингдек, давлат бошқаруви органлари фаолияти устидан жамоатчилик назорати

олиб бориш тизимидаги мавқеини янада мустаҳкамлаш бўйича муҳим вазифаларни белгилаб берди. Биз фаолиятимизни ана шу талабдан келиб чиқиб кучайтиришга ҳаракат қилаяпмиз.

Маҳалла фуқаролар йиғини қошида ташкил этилган комиссиялар ишлари билан танишиб, бу фикрлар тасдиғини кўрдик. Худудда касаначиликни ривожлантириш, кам таъминланган оилаларни қўллаб-қувватлаш, кексалар ҳолидан хабар олиш, йигит-қизларни катта ҳаётга тайёрлаш ҳамда хотин-қизлар бандлигини таъминлашга алоҳида эътибор қаратилмоқда.

(Давоми 2-бетда.)

Эътироф

Ўзбекистон ҳақида кўплаб китоблар ўқиганман. Ойнаи жаҳон орқали юртингиз манзараларини томоша қилгач, менда бу ерга келиш истаги пайдо бўлди. Тошкентга келишим билан биринчи галда Мустиқиллик майдонига бордим. Унинг тароватини таърифлашга сўз ожиз. Мазкур майдон ва ундаги Мустиқиллик ва эзгулик монументи, муҳташам бинолар ўзининг улугворлиги, кўрку салобати билан мамлакатингизнинг улкан кучқудрати ва салоҳиятини намойиш этиб турибди. Улар халқингизнинг гурури ва ифтихорини юксалтиришга хизмат қилишига шубҳа йўқ.

Яқинда халқингиз Ўзбекистон давлат мустиқиллигининг 20 йиллигини кенг нишонлади. Ушбу тантанга катта тайёргарлик кўриляётганининг гувоҳи бўлдим. Мамлакатингизда амалга оширилаётган улкан бунёдкорлик ва ободонлаштириш ишлари бунга ёрқин мисолдир.

Альваро ЭСТЕБАН, (Испания)

Хабар

Ватанга эҳтиром

Ўзбекистон Бадий академияси Марказий кўرғазмалар залида Ватанимиз мустиқиллигининг 20 йиллигига бағишланган кўрғазма ташкил этилди.

Кўрғазманинг очилишида Олий Мажлис Қонунчилик палатаси депутатлари, турли вазирлик ва идоралар, ижодий ва жамоат ташкилотларининг вакиллари, санъатшунос олимлар, мусаввирлар, талаба-ёшлар, санъат ихлосмандлари иштирок этади.

Истиқлол йилларида юртимизда жаҳон андозаларига мос кўрғазм муҳташам галерейлар, кўрғазма заллари, санъат масканлари қад ростлади. Тасвирий санъатга ихтисослашган ўқув марказлари, олий таълим даргоҳларининг моддий-техник базаси мустаҳкамланиб, фаолияти янада такомиллаштирилди. Мунтазам ўтказилаётган тасвирий санъат ҳафталиклари, турли ижодий анжуманлар, кўрғазмалар ва кўрик-танловлар истиқлол йилларида халқимиз эришган ютуқлар мазмун-моҳиятини, айниқса, ёшларга таъсирчан, самарали тарзда тушунтиришда муҳим аҳамият касб этмоқда.

Ўзбек мусаввирларининг она Ватанимизга эҳтироми сифатида ташкил этилган мазкур кўрғазмада тасвирий санъатнинг барча йўналишлари, ҳайкалтарошлик, амалий санъат намуналаридан иборат беш юздан ортиқ асар томошабинлар эътиборига ҳавола этилган. Уларда гўзал Ватанимизнинг бетакрор табияти, обод шаҳар ва қишлоқларимиз, меҳнатсевар, фидойи ҳаюртларимиз, умрбоқий аънона ва кадриятларимиз акс эттирилган.

Назокат УСМОНОВА, ЎЗА мухбири.

КОНЦЕПЦИЯ:

Хусусий тадбиркорлик ва уни ривожлантириш зарурати → 2

Ўзбекистон ва жаҳон

Тинчлик ва ҳамкорлик йўлида → 3

Чустнинг рақобатбардош маҳсулотлари

Чуст туманидаги «Styletextile» масъулияти чекланган жамиятида халқаро стандартларга мос трикотаж маҳсулотлари ишлаб чиқарилмоқда.



Мазкур корхонада Вазирлар Маҳкамасининг «2009-2012 йилларда Наманган вилоятида саноатни ривожлантириш ва ишлаб чиқаришни модернизация қилиш Дастури тўғрисида»ги қарори ижроси доирасида ўтган йили бўш турган иншоот реконструкция қилиниб, янги цех ташкил этилди.

Ишдан зиёд киши меҳнат қилаётган корхона маҳсулотлари юқори сифати ва замонавий дизайни билан ташқи бозорда ҳам хариддордир.

Ҳотам МАМАДАЛИЕВ (ЎЗА) олган сурат.



ЎЗБЕКISTON RESPUBLIKASI MARказий BANKINING 2011 йил 23 АВГУСТДАН БОШЛАБ ХОРИЖИЙ ВАЛЮТАЛАРНИНГ СЎМГА НИСБАТАН БЕЛГИЛАГАН ҚЙМАТИ

1 Австралия доллари	1804,37	1 Миср фунти	290,84	1 СДР	2787,06	10 Жанубий Корея вони	16,01
1 Англия фунт стерлинги	2858,04	1 Канада доллари	1753,61	1 Туркия лираси	973,58	10 Япония иенаси	226,01
1 БАА дирҳами	472,18	1 Хитой юани	271,15	1 Швейцария франки	2206,85	1 Россия рубласи	59,24
1 АҚШ доллари	1734,14	1 Малайзия ринггити	583,30	1 Евро	2490,36	1 Украина гривнаси	217,56

* Валюта қийматини белгилаш чоғида Ўзбекистон Республикаси Марказий банки мазкур валюталарни ушбу қийматда сотиш ёки сотиб олиш мажбуриятини олмаган.



Обод манзиллар

Бугунги қишлоқ

унинг қиёфаси, аввалги қишлоқлардан афзаллиги тўғрисида мулоҳазалар

Жиззах вилоятининг мамлакат ижтимоий-иқтисодий ҳаётида ўз ўрни ва мавқеи бор. Бугун вилоят аҳлининг тўртдан уч қисми қишлоқда яшайди. Мавжуд 350 дан зиёд қишлоқ одамларининг турмуш тарзи, уларга яратилган шарт-шароит ва қулайликлар тўғрисида, жуда кўп гапириш мумкин.

Тўғри, собиқ иттифоқ даврида шаҳар билан қишлоқ ўртасидаги тафовутни йўқотиш борасида кўп-кўп гаплар бўлди, қарорлар қабул қилинди. Аммо орадан неча йиллар, ўн йиллар ўтишига қарамай, ўртадаги тафовут кўпайса кўпайдики, камаймади. Қишлоқ қишлоқлигича қолди, унда яшаётганлар эса шаҳарликларга, уларнинг турмушига ҳавас қилиб келди.

Мамлакат Мустақил бўлди. Ўртимиз бўйлаб озодлик шабадалари эса бошлади. Шундан кейин қишлоққа том маънода эътибор қаратилди. Фақат Истиқлол шарофати туфайли шаҳар билан қишлоқ ўртасидаги фарқни, шаҳарлик билан қишлоқлик фўқаро турмуш тарзидаги тафовутларни йўқотишга киришилди. Белгиланган Давлат дастурлари бўйича энг чекка қишлоқларнинг аҳолисини ҳам тоза ичимлик суви ва табиий газ билан таъминлаш чора-тадбирлари кўрилди. Уларга элтидиган йўллар, коммуникация тармоқлари мукамал таъмирланди. Кўплаб қишлоқларда замонавий мактаблар, касб-хунар коллежлари, академик лицейлар, спорт мажмуалари, ижтимоий инфратузилма объектлари қурилди. Қишлоқ тараққиёти ва фаровонлиги йилда эса бу ишлар янада кенг кўлам касб этди.

Мустақиллигимизнинг ўн саккизинчи йилга келиб бу борада юртимизда яна бир муҳим қадам қўйилди. 2009 йилнинг 3 августид

Юртбошимиз «Қишлоқ жойларда уй-жой қурилиши кўламини кенгайтиришга оид қўшимча чора-тадбирлар тўғрисида» қарор қабул қилди. Бу қарор қишлоқ жойларда намунали лойиҳалар асосида уй-жойлар қуриш ва қурилиш материаллари ишлаб чиқарилган корхоналарни худудларнинг ўзида барпо этишни янада жадаллаштириш, шу тариқа қишлоқ билан шаҳар ўртасидаги тафовутга узил-кесил барҳам беришда муҳим дастуриламал бўлмоқда.

Илҳом Уролбоев — «Қишлоқ-қурилишнинг иқтисослашган шўъба инжиниринг компанияси Жиззах филиали етакчи мутахассиси:

— Қарор чиққач, вилоятимизнинг қишлоқ жойларида танланган лойиҳалар асосида 60 та уй-жой қурилди. Утган 2010 йили қишлоқларимиз аҳолисини 325 та замонавий уй-жойларнинг қалити топирилди. Жорий йилда эса қурилиш кўлами янада кенгайиб, 360 та ёки лойиҳа-смета қиймати 26 миллиард сўм бўлган пишиқ ва кўркям янги уй-жойлар барпо этилаётир. Айни пайтда қишлоқ туманларининг танлаб олинган 22 та майдонда қуриб битказилаётган намунали уйларда сўнгги пардозлаш, теваарак-атрофни ободонлаштириш ва кўкаламзорлаштириш ишлари бажарилаяпти.

41 та пудратчи ташкилот таркибиди 3 минг нафарга яқин қурувчи кечаю кундуз меҳнат қилаётир. Бу ишларга уй-жойлар қурилиши со-

ҳасида катта тажрибага эга корхона ва фирмалар, малакали мутахассислар жалб этилган.

Абдурахмон Ропиев — «Ўрта Осиё меъмори» кўп тармоқли хусусий фирмаси раҳбари:

— Ишчиларимиз ўтган олти йил ичида 3 та умумтаълим мактаби, 2 та касб-хунар коллежи, 1 та қишлоқ врачлик пункти, 2 та спорт иншооти қуриб, фойдаланишга топширди. Бултур Бахмал туманида намунали лойиҳа асосида 20 та уй-жой барпо этдик. Бу йил Жиззах туманининг Тоқчилик қишлоғида 22 та янги уй-жой қураямиз. Ҳозир пардозлаш ишларини тугатдик. Эндиликда атрофни тартибга келтириш, кўкаламзорлаштириш, янги кўчалар четини ободонлаштириш ишлари охирига етказилмоқда. Уларда шаҳардаги уйлар сингари ҳамма қулайликлар, шарт-шароит бор. Шинам меҳмонхона, айвон, катталар ва болалар учун хоналар, ошхона, саранжом-саришта ҳовли-жой, қисқаси, ўзбек оиласи учун нима зарур бўлса, барчаси лойиҳада, шунингдек, қурилиш жараёнида инноватга олинган.

Барчиной Қосимова — Бахмал тумани «Оқтош» массивидаги намунали уй-жой эгаси:

— Уй бекасима. Ёш болаларим бор. Аввал кичикроқ уйда турардик. «Қишлоққурилишбанк» деган банкдан имтиёзли кредит олиб, беш хонали намунали уйга кўчиб ўтдик. Бу ердаги шарт-шароитни кўриб, аввалига кўзимга ишонмадим. Ошхонадаги жўмрақни шундоқ бурасангиз, сув оқиб турибди. Газни ёқсангиз, бир зумда махсус мослама уйни иситиб бераёпти. Болали оилалар учун бу жуда муҳим. Хоналар кенг, ёруғ, шинам. Пойдевори

банд, деворлари пишиқ гишдан. Канализация ишлаб турибди. Иситиш тизими алоҳида. Ҳовлига, теваарак-атрофга дов-дарахт, турли гуллар экиб қўйилган. Биз — қишлоқ халқига, айниқса, аёлларга яратилган бундай қулайликдан беҳад миннатдоримиз.

Ҳаким Назовов — Мирзачўл туманидаги «Ипак йўли» қишлоқ фўқаролар йиғини оқсоқли:

— Қишлоғимизда намунали лойиҳа асосида 16 та уй-жой қурилди. Уларга кўчиб қирган ҳамқишлоқларимнинг қувончини кўрсангиз эди. Бутун оламда иқтисодий инқироз ҳўкм сурган, манаман деган корхоналар касодга учраётган даврда миллиард-миллиард сўм топиб, бизга шундай уй-жойлар қуриб бераётган Юртбошимизга, ҳўкумати-мизга раҳмат! Яна бир гап. Қишлоқларда қад ростлаётган янги уй-жойлар ёнида замонавий инфратузилма шохобчалари, мактаблар, қишлоқ врачлик пунктлари, болалар спорт майдончалари, автобекатлар, равон йўллар, супермаркетлар, болалар боғчалари ҳам қурилаётгани юрт ободлиги ва аҳоли фаровонлигига хизмат қилаётир...

Мансур Ялғашов — Дўстлик тумани меъмори:

— Намунавий лойиҳани тайёрлашда, ҳатто шамол йўналиши, иссиқ ва совуқ ҳаво оқими, йўл ва йўлаклар, автомобиль учун жой, болалар уйнайдиган майдонча, меҳмон қутиш, болалар ва ўсмирлар учун алоҳида-алоҳида хоналар, ёзги айвон, томорқа, гулзор, токи тандирхонага ҳисобга олинган. Бундай бекам кўст уй-жойда истиқомат қилишнинг ўзи бир бахт.

Зафар Салимов — «ЎсмаТ гишт» масъулияти чекланган



жамият раҳбари:

— Корхонамиз Россия технологияси асосида пишиқ гишт ишлаб чиқаради. Яқинда эшик-ром ва кафел тайёрлашни йўлга қўймоқчимиз. Маҳсулотларимиз янги уй-жойлар учун ишлатилаётганидан, қишлоқ одамлари учун ажойиб уйлар қуриб беришда иштирақ этаётганимиздан хурсандимиз. Қурилиш материаллари ўзимизда ишлаб чиқарилиши маҳсулот таннархини арзонлаштириб қолмай, қанча одамнинг ишли бўлишига, бу соҳа шаклланишига, қишлоқ меъморчилик мактаби янги босқичга кўтарилишига хизмат қилмоқда...

Истиқлолнинг йигирма йиллигига санокли кўнлар қолган айни дамларда вилоятда бу қўтлуғ ай-ёмга ҳар томонлама пухта ҳозирлик кўрилаяпти. Амалга оширилаётган бунёдкорлик, яратувчилик, ободончилик ишларини санаб, адоғига етиш қийин. Бу ишлар қаторида қишлоқларда намунали лойиҳа асосида қад ростлаётган кўркям ва замонавий уй-жойлар алоҳида ўрин тутди. Улар бугунги қишлоқларимизнинг қиёфасини тубдан ўзгартириб юбораёпти, нафақат қишлоқларнинг, балки одамларнинг тушунчаси, дунёқараши ва турмуш тарзини ўзгартишга, ўз уйи, маҳалласи, қишлоғи ва она

юрти билан фахрланишга хизмат қилаёпти. Қолаверса, шаҳар билан қишлоқ ўртасидаги тафовутни йўқотмоқда.

Бугунги қишлоқ. Кўрки, файзи, таровати ўзгача. Уни бундан 20-30 йил олдинги, ҳатто 15-20 йил аввалги қишлоқ билан қиёслаб, солиштириб бўлармикан? Лойсувоқ ва пастқам, пойдевори нураб турган уйлар ўрнида пишиқ гишдан тикланган, томи черепица-ли, олди пешайвонли замонавий уй-жойлар қад кўтарди.

Эгри-бурги, ўйдим-чуқур, чанг-тупроқли кўчалар ўрнида кенг, равон асфальт йўллар ва йўлчалар барпо этилган. Гулу гулзорли, дов-дарахтли, райҳон иси гуркираб турган ораста ҳовли-жойлар ҳавасингизни келтиради. Ёзда салкин, қишда иссиқ, баҳаво хоналар. Замонавий коммуникация тизимига эга, меъморий ечими бутунлай ўзига хос ва мафтункор, миллий меъморчилигимиз ютуқларини ўзида мужассам этган замонавий қишлоқ бу!

Иброҳим ЖОНУЗОҚОВ, «Ўзбекистон овози» муҳбири.

Реклама ва эълонлар



Қорақалпоғистон Республикаси «Пахтасаноат» ҳудудий акциядорлик бирлашмаси жамоаси



ҳамюртларимизни Истиқлолимизнинг йигирма йиллиги билан табриклайди!
Дастурхонларимиз тўкин, ҳаётимиз файзли бўлсин, азиз дўстлар!



«Урганч-ёғ»

ОЧИҚ АКЦИЯДОРЛИК ЖАМИЯТИ ЖАМОАСИ

Юртдошларимизни мамлакатимиз Мустақиллигининг 20 йиллик шодиёнаси билан табриклайди!



Ватанимиз осмони мусаффо, эл-юртимиз тинчлиги абадий бўлсин!



Истиқлол байрами-муборак, азизлар!



Реклама ва эълонлар



«Ўзпахтасаноат» уюшмаси жамоаси

**Халқимизни Мустақиллигимизнинг
20 йиллиги билан муборакбод этади!**



*Бободехқонларимизнинг, оловқалб
фермерларимизнинг
бу йилги пахта ҳосилига
барака тилаймиз!
Улар осмонўпар хирмон
кўтаришига тилакдошимиз!*



Байрам муборак, азизлар!



*Истиқлол инояти бўлган Термиз давлат
университетининг устоз ва мураббийлари ҳамда
талабалари халқимизни буюк сана —
Ватанимиз Мустақиллигининг
20 йиллиги билан табриклайди.*

Янги замон шарофати ва Президентимиз эътибори билан
мазкур даргоҳ ўзгача кўрк ва тароват касб этди.


Ёшларга қаратилаётган алоҳида ғамхўрлик боис,
жамоа улкан ютуқларни қўлга киритмоқда.

Бу эса мамлакатимиз янада ривож
топиши йўлида ташланган яна бир муҳим қадамдир.

Истиқлол муборак, азиз юртдошлар!



Термиз давлат университети
жамоаси ва маъмурияти.



**Хоразм вилояти
«Шовот DON
МАХСУЛОТЛАРИ» ОЧИК
АКЦИЯДОРЛИК ЖАМИЯТИ ЖАМОАСИ**

Халқимизни, шунингдек, мўл-қўл ғалла хирмони
уйган бободехқонларни
энг улуғ, энг азиз байрам —
Мамлакатимиз Мустақиллигининг
20 йиллик айёми билан муборакбод этади!

Мустақиллигимиз абадий бўлсин!



Реклама ва эълонлар



«АГРОБАНК»

ОЧИҚ АКЦИЯДОРЛИК ТИЖОРАТ БАНКИ ЖАМОАСИ

*барча юртдошларимизни яқинлашиб
келаётган энг улуғ ва энг азиз байрам —*

**ИСТИҚЛОЛНИНГ
20 ЙИЛЛИГИ**

билан муборакбод этади!

**Тинчлик, фаровонлик, аҳиллик
бардавом бўлсин!**

«НАВОИЙ ЭЛЕКТРКИМЁ ЗАВОДИ»

ЁАЖ қўшма корхонаси жамоаси

*халқимизни Ватанимиз
Мустақиллигининг 20 йиллиги билан
муборакбод этади!*

*Истиқлол — улуғ неъмат. Уни кўз қорачиғидек
авайлаб-асраш, авлодларимизга озод ва обод Ватан
қолдириш ҳаётимиз маъно-мазмунига айлансин!*

Ўзбекистонимизнинг
ИСТИҚЛОЛ БАЙРАМИ БАРЧАМИЗГА
МУБОРАК БЎЛСИН!

20
йил



«ШЎРТАНГАЗКИМЁ»

мажмуаси жамоаси

барча юртдошларимизни,
нефть ва газ саноати ходимларини
ЭНГ улуғ, ЭНГ азиз байрам —
Мустақиллигимизнинг 20 йиллиги
билан муборакбод этади!

Юртимиздан файзу барака аримасин,
хонадонимизни шоду хуррамлик
ҳеч қачон тарк этмасин!

Қутлуғ кунларда барча эзгу
тилакларимиз ижобат бўлсин!

**ОНА ДИЁРИМИЗНИНГ
МУСАФФО ОСМОНИ УЗРА
ҲУРРИЯТ ҚУЁШИ
АБАДИЙ НУР СОЧИБ
ТУРСИН!**


MUASSIS:


O'ZBEKISTON
XALQ DEMOKRATIK
PARTIYASI
MARKAZIY KENGASHI

Bosh muharrir: **Safar OSTONOV**

TAHRIR HAY'ATI:

Abdulla ORIPOV
Latif G'ULOMOV
Bobir ALIMOV
Sharbat ABDULLAYEVA
Murodulla ABDULLAYEV

Ulug'bek MUSTAFOYEV
Tat'yana KISTANOVA
(Bosh muharrir o'rinbosari)
G'affor HOTAMOV
(Bosh muharrir o'rinbosari)

Muslihiddin
MUHIDDINOV
Ochilboy RAMATOV
Saidahmad
RAHIMOV

BO'LIMLAR:

Partiya hayoti — 233-10-13; Madaniyat va sport — 233-69-45;
Ijtimoiy hayot va iqtisodiyot — 233-44-55;
Jamoatchilik bilan aloqalar va huquqiy targ'ibot — 233-12-56;
Reklama va e'lonlar — 233-38-55, 233-47-80;
Kotibiyat — 233-72-83, 236-55-17.

MANZILIMIZ:
100000, Toshkent,
Matbuotchilar
ko'chasi, 32-uy.

Gazeta O'zbekiston Matbuot va axborot
agentligida 0006-raqam bilan
2007-yil 11-yanvarda ro'yxatga olingan.

*Sharq nashriyot-matbaa aksiyadorlik kompaniyasi bosmaxonasida chop etildi.
Korxonaning manzili: Buyuk Turon ko'chasi, 41-uy.
Gazeta ofset usulida, A-2 formatida bosildi. Hajmi 2 bosma taboq.

Gazeta seshanba, payshanba va shanba
kunlari chiqadi.
«O'zbekiston ovozi» materiallarini
ko'chirib bosish faqat tahririyat
ruxsati bilan amalga oshiriladi.

e-mail: info@uzbekistonovozi.uz

Г — 846 t — Tijorat materiallari
10895 Topshirish vaqti — 21.00
nuxxada O'ZA yakuni — 21.00
bosildi. Topshirilgan vaqti — 00.20

Sotuvda erkin narxda

Navbatchi:
Erkin XOLBOYOYEV

Sahifalovchi-dasturchilar:
Sobirjon TUNG'ATOV,
Zafar BAKIROV

ISSN 2010-7433



1 2 3 4 5